

TÚSLA

An Ghníomhaireacht um
Leanaí agus an Teaghlach
Child and Family Agency

Rialáil Seirbhíse Leanaí

**Tuairisc achomair ar an
Tuarascáil maidir le
Tuarascálacha Cigireachta
na Luathbhlianta
2018–2019: Anailís agus
Treochtaí**

D'ullmhaigh Research Matters Ltd. an tuairisc seo (www.researchmatters.eu) thar ceann Tusla, an Ghníomhaireacht um Leanaí agus an Teaghlach.

Ba cheart an méid seo a leanas a thabhairt ar an tuairisc seo:

Tusla (2021) An Ghníomhaireacht um Leanaí agus an Teaghlach *Tuairisc achomair ar an Tuarascáil maidir le Tuarascálacha Cigireachta na Luathbhlianta 2018–2019: Anailís agus Treochtaí. Baile Átha Cliath: Tusla.*

Cóipcheart © Tusla, 2021

Tusla – Child and Family Agency
The Brunel Building
Heuston South Quarter
Saint John's Road West
Dublin 8 D08 X01F

Tel: 01 771 8500
Email: info@tusla.ie
www.tusla.ie

Brollach

Tá ríméad orainn an tuarascáil seo a chur i láthair, tuarascáil ina dtugtar, den chéad uair riamh, anailís mhionsonraithe ar na torthaí a eascraíonn as príomhghnéithe an phróisis forfheidhmithe rialála.

Is í Tusla - an Ghníomhaireacht um Leanaí agus an Teaghlach, trí Chigireacht na Luathbhlianta, rialtóir reachtúil sheirbhísí na luathbhlianta in Éirinn agus tá sé de chúram uirthi clárú agus cigireacht a dhéanamh ar réamhscoileanna, grúpaí súgartha, naíolanna, saoráidí cúraim lae agus a leithéid sin de sheirbhísí a dhéanann freastal ar leanaí idir 0 agus 6 bliana d'aois. Is é ról na cigireachta ná cur chun cinn agus monatóireacht a dhéanamh ar shábháilteacht an linbh, ar cháilíocht an chúraim agus ar an tacaíocht a chuirtear ar fáil don leanbh i soláthar na luathbhlianta i gcomhréir leis na rialacháin.

Is é an aidhm atá le rialáil ná feabhsúchán a spreagadh; is léiriú soiléir torthaí na hanailíse arna gcur ar fáil sa tuarascáil seo ar an tionchar dearfach a imríodh ar cháilíocht sheirbhísí na luathbhlianta mar thoradh ar an bpróiseas cigireachta. Fuair anailís a rinneadh ar 500 rialachán neamhchomhlíonta go raibh beagnach 86% de sheirbhísí a bhí neamhchomhlíontach le linn na cigireachta i gcomhlíonadh faoi dheireadh an phróisis.

Tá reachtaíocht agus rialúchán mar bhonn eolais ag próiseas forfheidhmithe rialála Tusla. Ar an iomlán, baintear leas as pleananna gníomhaíochta ceartaitheacha agus coisctheacha na soláthraithe chun aghaidh a thabhairt ar neamhchomhlíontacht a shainaithnítear le linn cigireachta. Is léiriú é sin go dtarlaíonn an leibhéal is airde idirghabhála ag céim luath.

Ní dhearnadh ach líon beag seirbhísí a ghéarú chuig an bPainéal Náisiúnta Clárúcháin agus Forfheidhmithe thar thréimhse dhá bhliain, 2018 agus 2019. Tá an painéal seo freagrach as maoirsiú a dhéanamh ar fhorfheidhmithe i gcás go bhfuil seirbhísí i mbaol a gclárúchán a chailleadh. Cuireadh coinníollacha de cheangal ar roinnt seirbhísí maidir le feabhsúchán a bhaint amach; rinneadh seirbhís amháin a ionchúiseamh; agus baineadh 6 sheirbhís den chlár. Léiríonn na torthaí go bhfeidhmíonn Tusla mar is cuí nuair a shainaithnítear riosca suntasach nach bhfuil iarracht déanta ag an soláthraí tabhairt faoi.

Treisiúnn an tuarascáil seo an tábhacht a bhaineann le seirbhís láidir cigireachta a dhíríonn, ní hamháin ar fhadhbanna a shainaithint nuair a thagann siad chun cinn, ach ar obair a dhéanamh i gcomhar leis an soláthraí seirbhíse ar bhealach a dhéanann athrú dearfach d'fhonn feabhas a chur ar cháilíocht sheirbhísí na luathbhlianta.

Ba mhaith linn aitheantas a thabhairt d'obair breis agus 4,300 soláthraí seirbhíse na luathbhlianta maidir lena chinntiú go soláthraíonn siad seirbhísí sábháilte ar ardchaighdeán do leanaí agus teaghlaigh ar fud na tíre. Gabhaimid buíochas leo as a rannpháirtíocht lenár gcigirí agus as a dtiomantas do cheanglais reachtúla a chomhlíonadh. Ba mhaith linn aitheantas a thabhairt freisin do na páirtithe leasmhara go léir san earnáil a thugann tacaíocht do sheirbhísí na luathbhlianta agus a oibríonn go dlúth linn chun an clár oibre cáilíochta a chur chun cinn. Mar fhocal scoir, gabhaimid buíochas ó chroí don Dr Sinéad Ní Ainifin, stiúrthóir bainistíochta Research Matters Ltd. as an tuarascáil seo a chur le chéile.

Dr Carolín Ní Cuilinn
Stiúrthóir Náisiúnta um Dhearbhuí
Cáilíochta (Eatramhach)

Fiona Nic Dhomhnaill
Stiúrthóir Seirbhísí Náisiúnta um Rialú
Seirbhísí do Leanaí

Clár Ábhar

Réamhrá.....	1
Léargas ginearálta ar an gcur chuige a glacadh.....	2
Aidhm agus cuspóirí.....	2
Tuairiscí cigireachta atá san anailís	2
Ceangal sonraí leis an gClár Seirbhísí Luathbhlianta	4
Anailís ar thuairiscí	4
Saincheistanna eiticiúla	4
Torthaí ón anailís ar thuairiscí cigireachta	5
Príomhthorthaí: Tuairiscí cigireachta 2018 (TCanna)	5
Príomhthorthaí: Tuairiscí cigireachta ar Oiriúnacht don Fheidhm (Fit for Purpose, FFP) 2018.....	6
Príomhthorthaí: Tuairiscí cigireachta TC 2019.....	7
Príomhthorthaí: Oiriúnacht don Fheidhm (FFP) 2019	8
Príomhthorthaí: rialacháin neamhchomhlíontacha	9
Treochtaí i gcigireachtaí luathbhlianta 2017-2019	10
Príomhthreochtaí: líon na seirbhísí	10
Príomhthreochtaí: Cigireachtaí agus rialacháin a measúnaíodh	10
Príomhthreochtaí: Comhlíonadh agus neamhchomhlíonadh.....	12
Príomhthreochtaí: Fógraí agus eolas gan iarraidh.....	13

Réamhrá

Is é Tusla, tríd an nGníomhaireacht um Leanaí agus an Teaghlach, an rialálaí neamhspleách seirbhísí luathbhlianta in Éirinn agus tá freagracht air as cigireacht a dhéanamh ar réamhscoileanna, grúpa súgartha, naíolanna, cúram lae agus a mhacasamhail de sheirbhísí a fhreastalaíonn ar leanaí a shine le 6 bliana d'aois. Is é ról na Cigireachta:

Sábháilteacht agus cáilíocht chúraim agus tacaíocht an linbh i soláthar Luathbhlianta a chur chun cinn agus monatóireacht a dhéanamh orthu i gcomhréir leis na rialacháin. Cuireann an Chigireacht a ról i bhfeidhm trí iarratais ar chlárú a mheasúnú agus trí chigireacht a dhéanamh ar sheirbhísí cláraithe.

Sainaithníodh go leor tairbhí dearfacha a bhaineann le rialáil i seirbhísí luathbhlianta. Tugtar iad seo chun solais in *Tuarascáil an tSainghrúpa Chomhairligh ar an Straitéis Luathbhlianta*, 1mar seo a leanas:

- Leanaí a chosaint in aghaidh cleachtais dhíobhálacha
- A chinntiú go mbaintear íoschaighdeán amach
- Tacú le cleachtas a dhéanamh de chaighdeán cháilíochta
- Dearbhú a sholáthar do thuismitheoirí agus don phobal go mbaineann seirbhísí cáilíocht chomhsheasmhach amach
- Tagarmharcanna a leagan amach d'fhonn gur féidir le soláthraithe seirbhíse seirbhísí a fhorbairt, a fheabhsú agus a chothabháil do leanaí ina n-aghaidh.

Tugadh seirbhís na Cigireachta Luathbhlianta isteach i 1997, faoi Chuid VII den Acht um Chúram Leanaí, 1991, a thug éifeacht do Rialacháin Réamhscoile 1996. Leasaíodh na rialacháin ina dhiaidh sin in 2006 agus leagadh béim níos mó iontu ar shláinte, leas agus forbairt an linbh. D'eascair athruithe suntasacha ar an mbonn reachtaíochta chun maoirseacht a dhéanamh ar sheirbhísí luathbhlianta as Cuid 12 den Acht fán nGníomhaireacht um Leanaí agus an Teaghlach, 2013. Thit leasú ar na Rialacháin Luathbhlianta amach chun na hathruithe seo a chur san áireamh agus cuireadh tús an 30 Meitheamh 2016 le sraith leasaithe rialachán a leag béim láidir ar rialachas seirbhísí luathbhlianta. Tugtar sainmhíniú i Rialacháin an Achta um Chúram Leanaí, 1991 (Seirbhísí Luathbhlianta), 2016 ar fhreagracht soláthraí chláraithe sábháilteacht agus folláine leanaí a chinntiú. Tugtar san Acht seo, chomh maith, an t-údarás do Tusla chun measúnú a dhéanamh ar chomhlíonadh na rialachán a chuireann cúram, sábháilteacht agus folláine leanaí luathbhlianta chun cinn a fhreastalaíonn ar sheirbhísí. Cé go nglactar leis go bhfuil seirbhísí comhlíontach leis na rialacháin reatha, agus gur féidir cigireacht a dhéanamh orthu in aghaidh aon chinn de na rialacháin, tá na cigireachtaí dírithe go príomha laistigh de na ceithre limistéar fhairsinge seo a leanas, go ginearálta:

- Rialachas
- Sláinte, leas agus forbairt an linbh
- Sábháilteacht
- Áitreabh agus Saoraidí.

¹ An Roinn Leanaí agus Gnóthaí Óige, 2013. *Tuarascáil an tSainghrúpa Chomhairligh ar an Straitéis Luathbhlianta*. Baile Átha Cliath: An Roinn Leanaí agus Gnóthaí Óige.

Tugtar achoimre sa tuarascáil seo ar thorthaí tuairiscí ar chigireachtaí faoinar thug an Chigireacht Luathbhlianta in 2018 agus 2019 agus tá sonraí ann ó na torthaí a bhí ar a mhacasamhail d'anailís a rinneadh in 2017 chun treochtaí atá ag teacht chun cinn a shainaithint i gcaitheamh na tréimhse trí bliana 2017-2019. Tá tuairisc níos mionsonraithe ar fáil, chomh maith, ó Tusla.

Léargas ginearálta ar an gcur chuige a glacadh

Cuirtear eolas i láthair sa mhír seo faoi aidhm agus cuspóirí na hanailíse, tuairiscí a chuirtear san áireamh san anailís, ceangal sonraí leis an gClár Seirbhísí Luathbhlianta, anailís ar thuairiscí agus saincheistanna eiticiúla a thagann chun solais.

Aidhm agus cuspóirí

Ba é aidhm an staidéir reatha tabhairt faoi anailís ar thuairiscí ar chigireachtaí luathbhlianta faoinar tugadh i gcaitheamh tréimhse dhá bhliain, ó Eanáir 2018 go Nollaig 2019 agus chun tabhairt faoi anailís treochtaí ar shaincheistanna ar leith a thagann chun solais.

Ba iad na cuspóirí ar leith:

1. cur síos a dhéanamh ar a mhéid a chomhlíonann seirbhísí réamhscoile na rialacháin;
2. limistéir aonair a chainníochtú inar dheimhnigh Cigirí Luathbhlianta (CLBanna) comhlíonadh/neamhchomhlíonadh na rialachán;
3. príomh-shaincheistanna a shainaithint a thagann chun solais maidir le neamhchomhlíonadh;
4. anailís chainníochtúil agus cháilíochtúil a dhéanamh ar thuairiscí inar eisíodh fógra faoi ghníomh láithreach mar fhreagairt do neamhchomhlíonadh a sainaithníodh fad a bhí cigireacht ar bun;
5. anailís chainníochtúil agus cháilíochtúil a dhéanamh ar thuairiscí inar leagadh coinníoll/coinníollacha ar chlárúchán seirbhíse mar fhreagairt do neamhchomhlíonadh a sainaithníodh fad a bhí cigireacht ar bun;
6. anailís treochtaí a dhéanamh ar shaincheistanna a thagann chun solais i rith cigireachta i rith na tréimhse trí bliana 2017-2019.

Tuairiscí cigireachta atá san anailís

Cuirtear tuairiscí ar dhá shaghas cigireachta san áireamh sa cháipéis achomair seo. Tá tuairiscí cigireachta (TCanna) ann a thagraíonn do na príomhthuairiscí a rinneadh agus tuairiscí ar oiriúnacht don fheidhm (ODF) a thagraíonn don chigireacht a rinneadh ar iarratais nua agus nuair a thagann athrú beartaithe ar stádas cláraithe na seirbhíse.

Tábla 1 Líon na dtuairiscí agus na rialachán a cuireadh san áireamh san anailís

	2018	2019
Líon na dtuairiscí TC	1490	1327
Líon na rialachán TC	7191	7983
Líon na dtuairiscí ODF	67	62
Líon na rialachán ODF	672	642
Líon iomlán na dtuairiscí	1557	1389
Líon iomlán na rialachán	7863	8625

Cuireadh na tuairiscí go léir san áireamh san anailís a chríochnaigh na próisis go léir a bhaineann le cigireacht in 2018 agus 2019. Ní áirítear leis na tuairiscí iad siúd a raibh anailís á cur i gcrích acu go fóill ag tráth na hanailíse.

Ceangal sonraí leis an gClár Seirbhísí Luathbhlianta

Anuas ar an eolas atá ar fáil ó na tuairiscí, tugadh faoi anailís ó na tuairiscí, an ceangal sonraí idir na tuairiscí a fuarthas ar anailís agus an Clár Luathbhlianta don bhliain 2019.

Anailís ar thuairiscí

Tugadh faoi anailís chainníochtúil ar na príomhathróa atá ar fáil sna tuairiscí TC agus ODF anuas ar na hathróa siúd atá ar fáil tríd an bpróiseas ceangail sonraí. Gineadh staitisticí tuairisciúla trí úsáid a bhaint as bogearraí staitistiúla R. Gineadh sampla fánach 500 rialachán as rialacháin agus anailís cháilíochtúil 2018 agus 2019 trí úsáid a bhaint as ábhar agus cuir chuige théamacha faoinar tugadh ar eolas téacsúla a chuirtear i láthair sna tuairiscí. Thacaigh bogearraí taighde cháilíochtúil N-Vivo a úsáid leis an anailís seo.

Saincheisteanna eiticiúla

Rachadh i ngleic leis na breithnithe eiticiúla go léir a bhaineann le neamhainmníocht agus dea-chleachtas i gcosaint sonraí agus tugadh aire lena chinntiú nach féidir aitheantas seirbhísí aonair a aithint sa tuairisc seo. Tugtar faoi deara, áfach, go bhfuil gach tuairisc a chuirtear san áireamh san anailís seo ar fáil gan srian trí láithreán gréasáin Tusla (féach: <https://www.tusla.ie/services/preschool-services/creche-inspection-reports/>).

Torthaí ón anailís ar thuairiscí cigireachta

Príomhthorthaí: Tuairiscí cigireachta 2018 (TCanna)

Cigireachtaí gan fhógra a bhí i gceist le 90% de na 1,490 tuairisc chigireachta TC a cuireadh san áireamh san anailís seo

Meastar go bhfuil trí rialachán neamhchomhlíontacha nó níos lú ag tromlach mór na seirbhísí regulations

- Níor sainaithníodh aon rialacháin neamhchomhlíontacha in thart ar 38% (líon = 572) de na tuairiscí TC agus sainaithníodh idir rialachán neamhchomhlíontach amháin agus trí cinn in 45% sa bhreis (líon = 667).

Tugadh le fios go raibh breis agus dhá thrían (68%) de na rialacháin go léir ar a ndearnadh measúnú comhlíontach

- Sainaithníodh go raibh dhá thrían (68%; líon = 5449) de na rialacháin comhlíontach agus sainaithníodh go raibh 32% (líon = 2534) neamhchomhlíontach.

Déanta measúnú níos minice ar roinnt rialachán i gcomparáid le cinn eile

- Bhain na rialacháin ba mhinice a measúnaíodh le leibhéil soláthair foirne, bainistíocht agus earcaíocht, agus sláinte, sábháilteacht agus leas an linbh a chosaint.

Tá éagsúlacht fhorleathann ann sa leibhéal comhlíontach agus neamhchomhlíontach i measc na rialachán is minice a mheasúnaítear

- Tugadh éagsúlacht fhorleathann faoi deara sna trí rialachán ba mhinice a measúnaíodh sa chomhréir a thugtar le fios atá comhlíontach, mar seo a leanas::
- 7% (Rialachán 11, Leibhéal soláthair foirne)
- 45% (Rialachán 9, Bainistíocht agus earcaíocht)
- 72% (Rialachán 23, Sláinte, sábháilteacht agus leas an linbh a chosaint)

Is dóchála go meastar go bhfuil rialacháin i seirbhísí cúraim lae iomláin neamhchomhlíontach

- Tá dóchúlacht i bhfad níos mó ann go bhfuil rialacháin a measúnaíodh i seirbhísí seisiúnacha comhlíontach (71% comhlíontach; líon = 2250) ná iad siúd i seirbhísí cúraim lae iomláin (55%; líon = 1670).

Is dóchála go bhfuil seirbhísí i gceantar BÁCCT neamhchomhlíontach

- Measadh go raibh breis agus trí cheathrú de na rialacháin a measúnaíodh i seirbhísí i Réigiún an Iarthair comhlíontach (77.4%) agus ba é seo an chomhréir ab airde i measc na réigiún go léir.
- Measadh go raibh an leibhéal ab ísle de chomhlíonadh i rialacháin i seirbhísí i réigiún BÁCCL agus níor measadh go raibh ach 62% de na rialacháin comhlíontach.

Tá leibhéil beagán níos airde de neamhchomhlíonadh i seirbhísí brabúsacha i gcomparáid le seirbhísí seachbhrabúsacha

- Bhí dóchúlacht beagán níos mó ann go mbeadh rialacháin a measúnaíodh i seirbhísí seachbhrabúsacha comhlíontach (69%; líon = 1154) i gcomparáid le seirbhísí brabúsacha (63%; líon = 3350).

Dá mhó an tseirbhís, is airde an leibhéal neamhchomhlíontach

- Ba dhóchúla go measfaí go raibh comhréireanna níos airde de rialacháin neamhchomhlíontach i seirbhísí ina raibh líonta níos airde foirne fostaithe (e.g. measadh go raibh 73.4% de na rialacháin comhlíontach i seirbhísí ina raibh 0-5 fhostaí i gcomparáid le 55% i seirbhísí ina raibh breis agus 20 fhostaí).

Príomhthorthaí: Tuairiscí cigireachta ar Oiriúnacht don Fheidhm (Fit for Purpose, FFP) 2018

Cuireadh 67 tuairisc ar chigireachtaí ODF ina gcuimsítear 672 rialachán san áireamh san anailís seo.

Tá leibhéil níos airde comhlíonta i dtuairiscí ar chigireachtaí ODF i gcomparáid le tuairiscí TC

- Sainaithníodh go raibh 85% (líon = 571) de na rialacháin comhlíontach.
- Ba é 8.52 an meánlíon rialacháin chomhlíontacha agus idir 3 agus 11 a bhí líon na rialachán comhlíontach i dtuairiscí ar a ndearnadh anailís.
- Ba é 1.51 an meánlíon rialacháin chomhlíontacha agus idir 0 agus 7 a bhí líon na rialachán neamhchomhlíontach i dtuairiscí aonair.
- Níor tugadh aon rialacháin neamhchomhlíontacha le fios in beagnach leath na dtuairiscí agus tugadh 1 cheann le fios sa cheathrú cuid díobh (líon = 8; 11.9%) agus 2 cheann in 10 gcinn nó 14.9%.

Sainaithníodh go raibh Rialachán 23 (Sláinte, sábháilteacht agus leas an linbh a chosaint) neamhchomhlíontach in 40% de na tuairiscí

- Sainaithníodh go raibh Rialachán 23 (Sláinte, sábháilteacht agus leas an linbh a chosaint) neamhchomhlíontach in 27 de na tuairiscí (40.3%).
- Ba iad na Rialacháin ba dhóchúla a mheasfaí a bhí comhlíontach Rialachán 22 (Bia agus deoch) inar measadh go raibh gach seirbhís comhlíontach, agus leibheil soláthair foirne, ina dhiaidh sin, (nách sainaithníodh go raibh ach dhá sheirbhís (3%) neamhchomhlíontach.

Príomhthorthaí: Tuairiscí cigireachta TC 2019

Ba chigireachtaí gan fhógra 88% de na 1,327 tuairisc cigireachta TC a cuireadh san áireamh san anailís seo

Measadh go raibh trí rialachán neamhchomhlíontacha, nó níos lú, ag tromlach mór na dtuairiscí

- Níor cuireadh aon rialacháin neamhchomhlíontacha i dtaifead i thart ar an tríú cuid de na tuairiscí TC (líon = 484; 36.5%) agus cuireadh idir 1 agus 3 rialachán neamhchomhlíontacha i gcuntas in 43.5% (líon = 577) eile de na tuairiscí.

Tugadh le fios go raibh breis agus dhá thríán (68%) de na rialacháin go léir ar a ndearnadh measúnú comhlíontach

- Sainaithníodh go raibh dhá thríán (68%; líon = 5449) de na rialacháin comhlíontach agus sainaithníodh go raibh 32% (líon = 2534) neamhchomhlíontach.

Bhain na rialacháin ba mhinice a measúnaíodh le leibhéil soláthair foirne, bainistíocht agus earcaíocht, agus sláinte, sábháilteacht agus leas an linbh a chosaint

- Tugadh éagsúlacht fhorleathan faoi deara sna trí rialachán ba mhinice a measúnaíodh sa chomhréir a thugtar le fios atá comhlíontach, mar seo a leanas:
- 91.7% (Rialachán 11, Leibhéil soláthair foirne)
- 69% (Rialachán 9, Bainistíocht agus earcaíocht)
- 36.7% (Rialachán 23, Sláinte, sábháilteacht agus leas an linbh a chosaint)

Is dóchála go meastar go bhfuil rialacháin i dtuairiscí ar chúram lae iomlán neamhchomhlíontach ná iad siúd i seirbhísí seisiúnacha

- Tá dóchúlacht i bhfad níos mó ann go bhfuil rialacháin a mheasúnaíodh i seirbhísí seisiúnacha (75.1%) comhlíontach ná iad siúd a measúnaíodh i seirbhísí cúraim lae iomláin (58.3%)

Ba dhóchúla go measfaí go bhfuil rialacháin i dtuairiscí ar sheirbhísí ó Réigiún an Iarthair comhlíontach

- Measadh go raibh breis agus trí cheathrú de na rialacháin a measúnaíodh i seirbhísí i Réigiún an Iarthair comhlíontach (77.4%) agus ba é seo an chomhréir ab airde i measc na réigiún go léir.
- Measadh go raibh an leibhéal ab ísle de chomhlíonadh i rialacháin i seirbhísí i réigiún BÁCCL agus níor measadh go raibh ach 62% de na rialacháin comhlíontach.

Bhí dóchúlacht beagán ní ba mhó ann go measfaí go raibh rialacháin a measúnaíodh i dtuairiscí ar sheirbhísí seachbhrabúsacha comhlíontach i gcomparáid le seirbhísí brabúsacha

- Bhí dóchúlacht beagán ní ba mhó ann go measfaí go raibh rialacháin a measúnaíodh i dtuairiscí ar sheirbhísí seachbhrabúsacha (70%; líon = 1151) comhlíontach i gcomparáid le seirbhísí brabúsacha (67.7%; líon = 4173)

Ba dhóchúla go measfaí go bhfuil rialacháin i dtuairiscí ar sheirbhísí níos mó neamhchomhlíontach

- Ba dhóchúla go measfaí go raibh comhréireanna níos airde de rialacháin neamhchomhlíontacha (e.g. 73.4% de na rialacháin a measadh a bhí comhlíontach i seirbhísí ina raibh 0-5 fhostaí, i gcomparáid le 55% i seirbhísí ina raibh breis agus 20 fostaí) ag seirbhísí ina raibh líonta níos mó foirne fostaithe.

Príomhthorthaí: Oiriúnacht don Fheidhm (FFP) 2019

Cuireadh 62 tuairisc ar chigireachtaí ODF ina gcuimsítear 642 rialachán san áireamh san anailís seo

Tá leibhéil níos airde comhlíonta i dtuairiscí ar chigireachtaí ODF i gcomparáid le tuairiscí TC

- Sainaithníodh go raibh 84% (líon = 540) de na rialacháin comhlíontach
- Ba é 8.71 an meánlíon rialacháin chomhlíontacha agus idir 3 agus 11 a bhí líon na rialachán comhlíontach i dtuairiscí ar a ndearnadh anailís
- Ba é 1.65 an meánlíon rialacháin chomhlíontacha agus idir 0 agus 7 a bhí líon na rialachán neamhchomhlíontach i dtuairiscí aonair
- Ní raibh aon rialacháin neamhchomhlíontacha san áireamh in beagnach leath de na tuairiscí (46.8%; líon = 29).

Sainaithníodh go raibh Rialachán 23 (Sláinte, sábháilteacht agus leas an linbh a chosaint) neamhchomhlíontach in 40% de na tuairiscí

- Ba iad na Rialacháin ba dhóchúla a measadh a bhí comhlíontach Rialachán 9 (Bainistíocht agus earcaíocht; 100%); Rialachán 12 (Feighlithe leanaí; 100% comhlíontach), Rialachán 11 (Leibhéil soláthair foirne; 98.4%) agus Rialachán 30 (Riachtanais spáis íosta; 96.7%).
- Ba iad na rialacháin ba dhóchúla a mheasfaí a bheadh neamhchomhlíontach Rialachán 23 (Sláinte, sábháilteacht agus leas an linbh a chosaint; 40.3%); agus Rialachán 29 (Áitreabh; 37.1%);

Príomhthorthaí: rialacháin neamhchomhlíontacha

Tá an achoimre seo a leanas bunaithe ar anailís théamach agus ábhair ar shampla fánach de 500 rialachán neamhchomhlíontach ó thuairiscí 2018 agus 2019.

Príomhlimistéir bhuartha agus a minicíocht de réir rialáil aonair

Rialachán 23: Sláinte, sábháilteacht agus leas an linbh a chosaint

- Sábháilteacht ghinearálta (24%), Sábháilteacht allamuigh (21%), Saoráidí codlata (20%), Cógas a thabhairt (9%), Rialú ionfhabhtuithe (5%).

Rialachán 9: Bainistíocht agus earcaíocht

- Easpa fála ar dhá theistiméireacht dheimhnithe do gach ball foirne (36%), Grinnfhiosrúchán Póilíní/an Gharda Síochána gan a bheith i bhfeidhm don phearsanra go léir (36.9%), dámhachtain aitheanta oideachais gan a bheith bainte amach ag an bpearsanra go léir a oibríonn le leanaí (24.6%) agus Curriculum Vitae gan a bheith ar fáil i gcomhad do gach ball foirne (2.3%).

Rialachán 19: Sláinte, leas agus forbairt an linbh

- Saincheisteanna a tháinig chun solais maidir le bunriachtanais an linbh (58.1%), an timpeallacht fhisiciúil agus ábhartha (25.4%), clár na ngníomhaíochtaí (9%) agus an caidreamh le leanaí (7.2%).

Rialachán 26: Bearta sábháilteachta ó dhóiteán

- Easpa fála ar thaifid agus teip ar thaifid a choimeád (82.7%), easpa fála ar fhógra faoin nós imeachta atá le leanúint i gcás dóiteáin (10.3%) agus gan tabhairt faoi na cleachtaidh dhóiteáin (6.8%).

Rialachán 29: Áitreabh

- Saincheisteanna a bhaineann leis an limistéar taobh amuigh (26.8%), saincheisteanna a tháinig chun solais sa limistéar taobh istigh (41.6%) agus saincheisteanna a tháinig chun solais maidir leis an teocht chomhthimpeallach nó teocht an uisce (31.7%).

Rialachán 16: Taifead maidir le seirbhís réamhscoile

- Ní raibh beartais ar fáil (9%); ba neamhleor na beartais (49%) agus ba neamhleor na taifid (42%) .

Rialachán 25: Garchabhair

- Ní raibh stoc leordhóthanach sa bhosca garchabhrach (60%) agus níor cuireadh an oiliúint leordhóthanach ar an bhfoireann ar gharchabhair (40%).

Treochtaí i gcigireachtaí luathbhlianta 2017-2019

Príomhthreochtaí: líon na seirbhísí

Tháinig laghdú beag ach comhsheasmhach ar an líon seirbhísí luathbhlianta a cláraíodh idir 2017 agus 2019

- Ba é líon na seirbhísí luathbhlianta a cláraíodh leis an gCigireacht in 2017 4,484. Tháinig laghdú air seo anuas go dtí 4,435 in 2018 agus go 4,310 in 2019.
- Tháinig laghdú ar an líon iarrataí ar athruithe ar chúinsí ó 1,422 in 2017 go 1,384 in 2018 agus go 1,331 in 2019.
- Tháinig méadú réidh ar an líon seirbhísí a dúnadh ó 117 in 2017 go 138 in 2018 agus go 196 in 2019. Is teoranta don eolas faoin bhfáth gur dúnadh na seirbhísí seo, go háirithe in 2019. I ngach bliain, áfach, ba chúiseanna pearsanta (e.g. dul ar scor, drochshláinte, gairmeacha beatha a athrú) an chúis ba choitianta a tugadh.

Príomhthreochtaí: Cigireachtaí agus rialacháin a measúnaíodh

Is éagsúil an t-eolas ar an líon cigireachtaí a rinneadh i rith na dtrí bliana, agus dá réir sin, ní féidir comparáid a dhéanamh eatarthu

- Tugadh le fios gurbh é líon na seirbhísí luathbhlianta a ndearnadh cigireacht orthu i rith 2017 2,033.
- Ba é an líon cigireachtaí a rinneadh in 2018 2,513.
- Ba é an líon cigireachtaí a rinneadh in 2019 2,308. Cuireadh breis agus cigireacht amháin san áireamh, áfach, i roinnt tuairiscí ar chigireachtaí.

•Ba é an meánlíon rialachán a measúnaíodh ag cigireachtaí 8.79 in 2017, 4.83 in 2018 agus 6.21 in 2019.

- Ba é an meánlíon rialachán a measúnaíodh ag cigireachtaí 8.79 in 2017, 4.83 in 2018 agus 6.21 in 2019.
- Ba iad na rialacháin ba mhinice a measúnaíodh i ngach bliain Rialachán 11 (Leibhéil soláthair foirne), Rialachán 9 (Bainistíocht agus earcaíocht), Rialachán 23 (Sláinte, leas agus forbairt an linbh a chosaint), Rialachán 26 (Bearta um shábháilteacht ó dhóiteán), Rialachán 19 (Sláinte, leas agus forbairt an linbh) agus Rialachán 25 (Garchabhair).

Príomhthreochtaí: Comhlíonadh agus neamhchomhlíonadh

•B'airde an chomhréir rialachán a measadh a bhí comhlíontach in 2017 (75.%) agus b'ísle é in 2018 (65.9%). Measadh go raibh nach mór 70% (69.4%) de na rialacháin comhlíontach in 2019.

•Is dóchála go meastar go bhfuil rialacháin a measúnaíodh i seirbhísí cúraim lae iomláin neamhchomhlíontach agus ba é an chomhréir seo 32% in 2017, agus 45% in 2018 agus 41.7% in 2019.

•Tháinig laghdú gach bliain ar an gcomhréir rialachán a measadh a bhí neamhchomhlíontach i réigiún BÁC TT anuas ó 48% in 2017 go 42% in 2018, agus 35% in 2019.

•As na rialacháin ba mhinice a measúnaíodh, baintear na leibhéil chomhlíonta is airde amach maidir le Rialachán 11 (Leibhéil soláthair foirne) i rith na dtrí bliana ó 94% in 2017 go 92.8% in 2018 agus 92% in 2019.

•As na rialacháin ba mhinice a measúnaíodh, sainithníodh gur baineadh na leibhéil chomhlíonta ab ísle amach maidir le Rialachán 23 agus b'ionann iad agus idir 45.7% (2017) agus ach 30% in 2018 agus 38% in 2019.

Príomhthreochtaí: Fógraí agus eolas gan iarraidh

Tháinig méadú ar na teagmhais a fógraíodh i rith na tréimhse trí bliana 2017-2019

- Tháinig méadú nach mór faoi dhó ar an méid teagmhas a fógraíodh idir 2017 (líon = 203) agus 2019 (403).
- Sainaithníodh ceithre phríomhchatagóir in anailís ar fhógraí a fuarthas in 2017:
 - Gortú tromchúiseach ar leanbh réamhscoile óna dteastaíonn cóir leighis láithreach ag lia-chleachtóir cláraithe, in ospidéal nó áiteanna eile.
 - Leanbh ar diagnóisíodh go bhfuil galar tógálach infhógartha air/uirthi atá ar an liosta galar (agus na pataiginí is cúis leo, faoi seach) a chuimsítear sna Rialacháin um Ghalair Aicídeacha, 1981 agus i leasuithe a rinneadh ina dhiaidh sin.
 - Dúnadh neamhphleanáilte nuair atá ar an tseirbhís dúnadh mar gheall ar imeachtaí gan choinne. D'fhéadfadh seo a bheith ar chúiseanna pearsanta (e.g. méala), nó aon chúis eile (e.g. píopa pléasctha san áis).
 - Tá leanbh ar iarraidh ón tseirbhís.

Tháinig méadú ar aighneachtaí eolais gan iarraidh gach bliain

- Tháinig méadú freisin ar an méid aighneachtaí eolais gan iarraidh gach bliain ó 277 aighneacht in 2017 go 413 aighneacht in 2018 agus 597 aighneacht in 2019.

